

ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ՈՂՋՈՒՅՆԻ
ԳԻՐԸ ՄԻԱՑՑԱԼ ՆԱՀԱՆԳՆԵՐԻ ՀԱՅՈՑ ԱՐԵՎԵԼՅԱՆ ԹԵՄԻ
ԱՌԱՋՆՈՐԴ Տ. ԹՈՐԳՈՄ ԱՐՔԵՊԻՍԿՈՊՈՍ ՄԱՆՈՒԿՅԱՆԻՆ՝
ՆՐԱ ԿԱԶՄԱԿԵՐՊԱԾ ՖՐԻԴՀՈՖ ՆԱՆՍԵՆԻ
ԾՆՆԴՅԱՆ 125-ԱՄՅԱԿԸ ՀԱՆԴԻՍԱՎՈՐՈՒԹՅԱՄԲ
ՆՇԵԼՈՒ ԱՌԹԻՎ

Տ. ԹՈՐԳՈՄ ԱՐՔԵՊԻՍԿՈՊՈՍԻՆ

Նյու Յորք

Բարձր գնահատանքով կողջունենք Ձեր կապակերպած հանդիսությունը
ի պանծացումն հայ ազգի մեծ բարերար Ֆրիդհոֆ Նանսենի, նրա ծննդյան
125-ամյակի առթիվ:

Բարեպաշտ ու մարդասեր մեծ վավակը Նորվեգիայի աստվածասեր ժո-
ղովրդի իր արդար ու հպոր ձայնով և իր կյանքի ողջ գործունեությամբ հան-
դիսացավ մեծ վկան 1915 թվականի հայոց ցեղասպանության ողբերգության
ու նաև մեծ մխիթարիչը և հոգատար հրեշտակը մահվան ճիրաններից ազա-
տած անտուն և անտեր վերապրողների, հայ գաղթականների, որոնք առաջին
համաշխարհային պատերազմից հետո ապաստան գտան շատ երկիրների մեջ
շնորհիվ Ֆրիդհոֆ Նանսենի անդուլ ջանքերի միջազգային մակարդակի վրա,
որով ապահովվեց բավահապար հայ գաղթականների բնակության իրավուն-
քը աշխարհի տարբեր երկրներում:

Հայ Եկեղեցին ու ժողովուրդը հավետ պայծառ կպահեն հիշատակը իրենց
մեծ բարերար Ֆրիդհոֆ Նանսենին:

Սուրբ Էջմիածնից օրհնություն նրա կյանքին ու նրա մարդասեր առա-
քելության:

Լույս և խաղաղություն նրա արդար հոգվուն:

ՎԱԶԳԵՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
28 ապրիլ 1986 թ.